



European
Commission

#Povezivanje
#ZapadniBalkan
novembar 2020

EU-ZAPADNI BALKAN PODRŠKA POVEZIVANJU

Transportne veze nas vode tamo gdje moramo biti, energetske sustave napajaju naše domove i preduzeća, a digitalne mreže nam omogućavaju da komuniciramo. Regiju Zapadnog Balkana geografski okružuju zemlje članice EU. Poboljšanje transportnih i energetskih veza – kako u regiji, tako i sa EU – ključno je za podsticanje ekonomskog rasta i integracije i za napredak poslovanja. Povezivanje je temelj na kojem naše ekonomije mogu napredovati.

POGLED UNAPRIJED – ULAGANJE U BUDUĆNOST

Povezivost je u samom srcu novog **Ekonomskog i investicijskog plana za Zapadni Balkan**, koji je Evropska komisija predstavila u oktobru 2020. godine. Cilj Plana je podstaći dugoročni ekonomski oporavak regije i ubrzati regionalnu integraciju i konvergenciju sa EU.

Stalna podrška povezivanju ključna je za živote ljudi, za preduzeća i ekonomije u regiji. Plan predviđa do 9 milijardi eura bespovratnih sredstava EU za vodeće investicije u oblastima kao što su energetika, transport, te dvostruka zelena i digitalna tranzicija. Pored toga, EU može pružiti garancije kako bi pomogla smanjiti troškove finansiranja za javne i privatne investicije, kao i rizik za investitore, kroz predloženi Garantni fond za Zapadni Balkan. Očekuje se da će se na taj način privući investicije u vrijednosti do 20 milijardi eura.

Ekonomski i investicioni plan identifikuje deset vodećih investicija u šest oblasti:

- ▶ Održivi transport
- ▶ Čista energija
- ▶ Okoliš i klima
- ▶ Digitalna budućnost
- ▶ Privatni sektor
- ▶ Ljudski kapital

Komesar za susjedstvo i proširenje EU
Olivér Várhegyi

Ekonomski i investicijski plan bi trebao pomoći da se Zapadni Balkan transformiše u jednu od najatraktivnijih regija za investicije na svijetu.

do
9 milijardi EUR*
bespovratnih sredstava EU
za pojačavanje ekonomskog rasta

*Finansiranje kroz IPA III uslovljeno je usvajanjem narednog Višegodišnjeg finansijskog okvira

Pregovori o
proširenju

AGENDA ZA POVEZIVANJE – PET GODINA USPJEHA 2015-2020

EU je 2015. godine pokrenula Agendu za povezivanje za Zapadni Balkan. Od tada je iz pretpripravnih fondova EU izdvojeno više od milijardu eura u vidu bespovratnih sredstava za visoko prioritetne projekte za povezivanje. Ovo ne samo da je osiguralo bolju infrastrukturu širom regije Zapadnog Balkana, već je unaprijedilo i integraciju u ključne transportne i energetske Transevropske mreže. Ova bespovratna sredstva, zajedno sa zajmovima partnerskih Finansijskih institucija, prikupila su gotovo 4 milijarde eura investicija i otvorila preko 45.000 radnih mjesta u regiji Zapadnog Balkana.

Ovo je nastavak **tri decenije ulaganja EU u Zapadni Balkan**, što je rezultiralo desetinama glavnih putnih i željezničkih interkonekcija, nadogradnjama luka i projektima energetske transformacije. EU je izdvojila više od **11 milijardi eura za transportne i energetske projekte u vidu bespovratnih sredstava i zajmova** koje je osigurala Evropska investicijska banka, što je omogućilo **ukupna ulaganja u iznosu od 22 milijarde eura**.

Ključna dostignuća 2015 - 2020



Kratki pregled rezultata 2015 - 2020



Agenda za povezivanje – Sektorska podrška 2015 - 2020 (miliona €)

